

De conformidade co previsto nos artigos 17.3.b y 20.8.a da Lei 38/2003, de 17 de novembro, Xeneral de Subvencións, publícase o extracto da convocatoria do “ **CONCURSO PÚBLICO PARA A CONCESIÓN DE SUBVENCIONES PARA PROXECTOS DE PRESTACIÓN DE SERVICIOS SOCIAIS PARA O AÑO 2019** cuxo texto completo pode consultarse na Base de Datos Nacional de Subvencións (<http://www.pap.minhap.gob.es/bdnstrans/index>)

**Primeiro. Beneficiarios:**

Poderán obter subvención como beneficiario/as ás organizacións, asociacións e/ou fundacións legalmente constituídas , para aqueles Proxectos/actuacións que se desenvolvan integramente nesta provincia e se dirixan a persoas con residencia na provincia de Ourense.

Todas as solicitudes responderán a algunha das seguintes liñas/modalidades de subvención:

- A) Proxectos e actividades de emerxencia social.
- B) Proxectos e actividades de prestacións de servizos sociais na provincia de Ourense
- C) Proxectos de reto demográfico.

Para poder optar a estas liñas de subvencións terán que cumprir os seguintes requisitos:

**LIÑA A)** Actividades de emerxencia social.

- Que a actividade se dirixa a colectivos e/ou persoas afectadas por unha situación de emerxencia económica de carácter estrutural ou conxuntural que precise de ser atendida con carácter de urxencia, primando especialmente aqueles proxectos cuxas actuacións se centran na atención económica directa , ou en especie, das necesidades básicas das persoas (vestido, alimentación, vivenda, subministracións básicas etc.).
- Que a actividade para a que solicita subvención este prevista dentro dos obxectivos da entidade e recollidos nos seus estatutos fundacionais.

**Liña B)** Proxectos de prestacións de servizos sociais na provincia de Ourense.

- Que o proxecto se dirixa ós/ás beneficiarios/as últimos de calquera dos colectivos das distintas áreas de actuación propias de servizos sociais, primando aqueles colectivos de persoas, que por razóns obxectivas de índole económica, de saúde ou pola concorrencia

de circunstancias sociais, étnicas ou culturais, sufran especiais dificultades respecto da xeneralidade da poboación e precisen dun tratamento específico para o acceso ao goce pleno dos dereitos de contido social, económico, ou laboral recoñecidos no ordenamento xurídico.

- Que sexan prestados dun xeito altruísta e desinteresado, sen fins de lucro.
- Que a actividade para a que solicita subvención este prevista dentro do obxectivo da entidade e recollidos nos seus estatutos fundacionais.
- No caso de centros ou servizos sociais especializados, será requisito imprescindible dispor da correspondente autorización da Xunta para a súa creación se é o caso.

#### **Liña C). Proxectos de reto demográfico**

- Que os proxectos teñan como obxectivo o desenvolver iniciativas de carácter social que teñan incidencia directa na recuperación, ou fixación da poboación nos seus lugares habituais de residencia, primando especialmente aqueles que teñan obxectivos concretos de conciliación familiar e laboral con nenos e nenas e/ou con maiores con necesidade de atención.
- Que sexan presentadas por beneficiarios/as con domicilio social e/o centro de actividades nalgún concello da provincia de Ourense de menos de 20.000 habitantes calificados como “con prioridade demográfica” según os criterios recollidos no anexo I destas bases.
- Que non teñan finalidade lucrativa.

#### **Segundo. Obxecto**

Constitúe o obxecto destas bases a regulación da convocatoria pública, por parte da Deputación Provincial de Ourense, para a tramitación e concesión de subvencións destinadas a organizacións, asociacións e/ou fundacións que realicen proxectos de carácter social na provincia de Ourense para o ano 2019.

#### **Terceiro. Bases reguladoras.**

Acordo da Xunta de Goberno de 15 de marzo de 2019 polo que se establecen as bases reguladoras do concurso público para a concesión de **SUBVENCÍONS PARA PROXECTOS DE PRESTACIÓN DE SERVIZOS SOCIAIS PARA O ANO 2019.**

**Cuarto. Contía.**

As subvencións concedidas terán os seguintes máximos:

Actividades de emerxencia social.....	25.000 €
Proxectos de prestacións de servizos sociais na provincia de Ourense.....	15.000 €
Proxectos de reto demográfico.....	10.000 €

Estes importes máximos serán incrementados nun 20% no caso de que o proxecto subvencionado sexa presentado conxuntamente por dúas ou mais entidades.

Ningunha entidade poderá solicitar subvención para máis de tres proxectos no conxunto das diferentes liñas de subvención desta convocatoria, nin obter maior subvención para todos eles que o límite económico máximo previsto. No caso de que se obtivese subvención para proxectos pertencentes a distintas modalidades, o límite económico máximo que se aplicará será o previsto para a modalidade que teña a limitación económica máis alta. Para o cómputo dos proxectos que presenta cada entidade non se terán en conta aqueles nos que concorra con outra/s entidades.

Ningunha entidade poderá presentar máis de dous proxectos de forma conxunta con outra/s entidades.

Para as subvencións concedidas nesta convocatoria resérvase crédito na aplicación 23111 48000 do orzamento xeral da Deputación Provincial de Ourense para o exercicio 2019 por importe de 300.000 € (trescentos mil euros).

**Quinto. Prazo de presentación de solicitudes.**

O prazo improrrogable de presentación será dun (1) mes, contado a partir do día seguinte da publicación do extracto destas bases. A estes efectos entenderase como último día do prazo o correspondente ao mesmo ordinal do día da publicación. Se o último día do prazo fora inhábil,

entenderase prorrogado ao primeiro día hábil seguinte e, se no mes do vencemento non houbera día equivalente ao inicial do cómputo, entenderase que o prazo expira o último día do mes.